

道德真經玄德纂疏

道德真經玄德纂疏卷之十四

可五

道德真經玄德纂疏卷之十五

可六

道德真經玄德纂疏卷之十六

可七

道德真經玄德纂疏卷之十四 可五

唐玄宗御註并疏

河上公 嚴君平 李榮註

西華法師成玄英疏

濠陽 強思齊纂

出生入死章第五十 出生入死章前

望混其心故次此章即明皆有生死凡溺生死義味相接所以次之就此一章義開四別第一正標凡聖示妄執不同第二假設問答辨其所以第三顯善攝生人不為三毒所害第四重設疑問歎美結成

第一正標凡聖示妄執不同 夫紫極無名之

出生入死

尊玄德甚深之道  
 容太極之宮高謝  
 苑山上嗟峨白玉  
 闕紫雲之瑞哀哀  
 欲長皆行運十三  
 安一百之年命過  
 流離於閻獄墳壑  
 風形質一埋詎鑿  
 淚痛懷軒旌之月  
 此言大聖流

可五

一

御註了悟則出生迷執則入死此標爾○  
 御疏了悟生死不厚其生名為出生迷執  
 人我動之於死名為入死此標章門也○  
 河上公曰出生謂情欲出於五内魂定魄

靜故出生入死謂情欲入於肖臆精神勞  
惑故死○榮曰從幽至顯名曰出生自有  
歸無稱之入死○成疏出生者超凌三界  
出離死生入死者沉淪三塗沒溺生死若  
解生死義者從無出有以釋生自有還無  
以釋滅爲死也

生之徒十有三

御註生之徒十有三死之徒十有三汎論  
衆生當生安生得生理處死順死得死理  
如此者大凡十中有三人矣○御疏徒者

類也此則汎論衆生能安生理不自矜貴  
適來爲時一無封執如此之者大凡而論  
十中有三人爾此謂順理者少而逆理者  
多也○河上公曰生之徒十有三死之徒  
十有三言生死之類各有十三謂九竅四

可五

二

關也其生也目不妄視耳不妄聽鼻不妄  
香臭口不妄言味手不妄持足不妄行精  
不妄施其死也反是○嚴曰虛無清淨微  
寡柔弱卑損時和嗇此十三事虛生充實  
無生常存清生聰達靜則內明微生彰顯

寡則生衆柔生剛健弱生堅強卑生高大  
損生盈滿時則通達和則得中嗇則有餘  
用之治身與天地長久用之治國則國祚  
長延也○榮曰生之徒十有三死之徒十  
有三九竅四關十三也若能絕欲則爲生  
之類必其放蕩則爲死之徒也○成疏生  
之徒十有三死之徒十有三徒類也十三  
謂四關九竅言九竅四關凡聖俱有聖人  
不執身爲身忘懷迷執故能出三界凡夫  
爲執迷是非心恒起滅因斯迷倒故入六

道入六道則死之類出三界則生之徒也  
死之徒十有三

御䟽此亦汎論安死之道不拒變化適去  
爲順一無驚但如此之者亦十中有三人  
爾○嚴曰實有濁擾顯衆堅強高滿過泰

可五

三

費此十三事也實生空虛有生消亡濁則  
聽塞擾則失明顯則生微衆則生寡堅生  
柔強生弱高生卑賤滿生損空過生閉塞  
泰生困窮費生禍患是不祥死之徒矣  
人之生動之死地十有三



御註徇生太厚以養傷生既心矜此生故動之死地此則生理既失死理亦虧如此之輩亦十中有三爾○御疏此釋迷執之人養生失理之性也言人雖欲修生不能悟了動往喪生之地安生之理既失順死之道又乖如此之輩亦十中有三人爾○河上公曰人之欲求生動作反之十有三死地也○榮曰所以流至死地者由十有三重造過○成疏凡人之生動即適死地者蓋爲執此十有三徒染滯前境故也○

第二假設問答辯其所以

夫何故

御註夫何故以其生生之厚問所以動之死地夫緣何故但以其求生此生太厚之爾○御疏此設問衆生動之死地之由○

河上公曰問之何故動之死地也○榮曰

夫何故以其生生之厚何爲得至於死地言用之九竅運之四關多取有爲之死業愛養無常之生身厚過其分動之死地也

○成疏假設疑問以生後答

以其生生之厚

御疏此正荅言衆生動之死地者以其耽  
滯有爲溺情縱欲厚自奉養以生其生養  
之太厚故動之死地爾○河上公曰所以  
動之死地者以其求生活之事太厚違道  
忤天妄行失紀也○成疏言不能體道忘  
生而執生爲有多積財產厚資此生而營  
生過當故動之死地此一句荅前問意也

第三顯善攝生人不爲三毒所害

蓋聞善攝生者

御註蓋聞善攝生者陸行不遇兕虎入軍  
不被甲兵兕無所投其角虎無所措其爪  
兵無所容其刃善攝衛生理之人心照清  
淨無貪取之意則凡是外物不可加害陸  
行不遇兕虎入軍不被帶甲兵此不求害  
物也則物無害心故無投角措爪容刃之  
所矣○御䟽攝衛也謂善能以道衛生之  
人妙觀生本本來清淨於生忘生不以情  
欲而滑其和唯以沖虛而養其性物莫能  
害故稱善攝○河上公曰攝養也○榮曰

蓋聞善攝生者陸行不遇兕虎入軍不被  
甲兵不能養性內爲情欲之所傷外爲毒  
蟲之所害善攝生者不耽染性不傷無毒  
心物無害也○成疏蓋不盡之辭聞猶竊  
聞也攝衛也亦養也言善能攝衛養生之  
人忘淡虛夷不輕染境攝衛之目顯下文  
也

可五

五

陸行不遇兕虎入軍不被甲兵

御疏不期而會曰遇按山海經兕出湘水

南蒼黑色爾雅云形如野牛一角重千斤

善攝生之人不起心害物所以陸行不求  
過於兇虎入軍不被帶於甲兵故虎兇甲  
兵亦無傷害之意○河上公曰陸行不遇  
兇虎自然遠避害不干也入軍不被甲兵  
不好戰以殺人○成疏陸行不遇兇虎陸  
平地也兇毒獸一角形如牛色青言善攝  
生人不爲毒獸所觸內解者言平居安靜  
不爲煩惱所加入軍不被甲兵言攝生之  
人縱入軍陣亦不爲干戈所害內解者言  
縱入塵境亦不爲色等所傷也

兕無所投其角虎無所措其爪兵無所容其刃

御䟽前明善攝生之人內無害心所以外  
不遇兕虎此明設所逢遇此無傷害之心  
自然彼無容措之處是知忘情於物者則  
海上之鷗可馴而狎陸行之獸可繫而游  
況傷害乎故無是也○河上公曰養生之  
人虎兕無由傷兵刃無從加也○榮曰言  
養生以道積善以行是前顯不與惡遇今  
明雖遇無傷也○成䟽駐立也措安也兕

遇物則觸喻癡也虎性躁暴喻嗔也兵刃  
銳利能傷於物喻貪也言善攝生者妙體  
真空故雖處世間而不爲三毒所害

第四重設疑問歎美結成

夫何故

可五

御註夫何故以其無死地夫何故兕虎甲

六

兵無容措之所乎以其順化無私不以死  
爲死則物不得害其生故云無死地○御  
䟽此問虎兕兵刃是害人之物今不投措  
其爪角無容其兵刃者其故何也假問其



故以曉於人○河上公曰問虎兇兵甲何故不傷害○榮曰夫何故以其無死地夫生我者神殺我者心我殺由心心為死地若能灰心息慮不構有為無死地也○成疏假設疑問有何事故得致如是

以其無死地

御疏此正答也夫見有其身者累生生之厚者死今善攝之人照法性空悟身相假故能於生忘生不為厚養之過無私順化故無死地可處爾既心無死地夫何虎兇